



19. Oktober 2023

UKA2023/81

Takornariaqarnermik inuussutissarsiuteqarnermi akuersissutinik tunniussisarneq qanoq pitsanngortissinnaaneripput aammalu taamatut tunniussisarneq nunatsinni takornarialerisunut naapertuuttumik ingerlanneqartarnersoq pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Aqqalu C. Jerimiassen, Atassut)

Apeqquteqaat aallaavigalugu oqallisissiamik siunnersuuteqartoq Siumumiit qutsavigaarput.

Siumut isumaqarpoq takornariaqarnermi, nunatta nalleruminaatsumik kusanassuseqarnerata saniatigut, aallaaviussasoq nunatsinni kulturi, taannaavormi aamma nunatta naalagaaffinngorniarluni pisareersarneranut tunngaviusoq. Taakkua tunngavigalugit takornarialerinermit inatsit suliarineqassaaq. Takornarialerinermit inatsit nunaqavissunut inooriaatsitsinnullu illersuisoq naammassillugu suliarineqassaaq. Inuussutissarsiornikkut inerisaanerit assigiinngisitaartut pilersissavagut sinaakkutit nunami maani najugaqartunut atoruminartut illersuisullu pingaarnertut qitiutillugit. Nunatsinni inuussutissarsiutinik ineriartortitsinermit aningaasaliisartut takornarialerinermit suliaqartut salliutillugit ukkatarinnissapput, taamaaliussaagut inuussutissarsiornermi sukarsuit ilaattut pitsaasumik ineriartortitsinissaq qularnaarumallugu.

Siunnersuuteqartup tunngavilersuutaa pingaaruteqarpoq oqaloqataaffigissallugu, takornariaqarnermi akuersissummik tunisisarneq. Kingunerissavaa, inuttaasut nunaminertamik atugaqarnerat annertulernerulernissaa. Pingaartillugu nunaqavissut aamma nunamilu aningaasaqarnermik suliniuteqarneq nunaqavissuunissamut, aammalu ineriartoqataaanissaanut suliniuteqarneq ima tunniuteqarnerulernissaa Siumup anguniartuassavaa. Taamaammat nunaminertamik, tunniussisarneq siusinnerusukkut nunaminertamik atuisuusut tusarniaanermik inatsimmik ersarissumik, paasitsineqartuassasut Siumut qulakkeerusuppaa. Eqqarsaatitut eqalunniartarfiusimappat nannunniartarfiusimappat, piniarfiusimappat kingerluutaanngitsumik Siumumiit. Qulakkeeqqaarlugit akuersissutit, ingerlanneqartarnissaat inuttaasut qanimut tusarniaannarnagit aamma susassaartut qanimut suleqatigineqartarnissaat pingaaruteqarpoq. Uanili pingaartuuvoq, Takornariaqarnermi siunnersuisoqatigiit suliniutinut suleqatigilluarneqarnissaat pingaarpoq, aamma piniarnermut kattuffiit aammalu pinngortitami atuisut suliniummut qanimut suleqatigineqassasut Siumumit pingaartikkatsigu.

Nunami maani takornariaqarnermi siunnersuisoqatigiit, ilanngullugu pineqartumut ilisimasaqarluarnerat pingaartillugu Siumumit oqaatigissavarput, uunga pineqartumut nalunnginnilluartunut ulluinarnilu attaveqartutut ilisimaaraarput aamma ilaatigut kommune ataani – Saaffiginnittarfiit(Informationscenter)-it atuuttut aamma katersugaasiviit. Saniatigullu namminersorlutit ingerlatsisut, minnerunngitsumik nunap inui atuisut qanimut tusarniarneqartarnerat qanimut tamaakkiisumik ilanngullugit uunga piginnittuunissaat Siumumit kissaatigigatsigut.

Oqallilluarisi

Dines Mikaelson, Siumut